

P. 83, L. -6【近住】指在家男女受持一日一夜之八戒者；以親近三寶宿住，故稱近住、善宿。其受持八戒之男子，稱近住男；受持八戒之女子，稱近住女。～《佛光大辭典》澄照《略授三歸五八戒並菩薩戒》〈次明授八戒法〉：「此八戒，名近住戒。以一日一夜全修梵行，親近出家人住，故名近住。」(X59,p.360b22-24)《梵網經合註》卷6：「一切比丘坐竟，次比丘尼；比丘尼竟，次式叉摩那；次乃沙彌；次沙彌尼；次出家優婆塞、優婆夷；次在家優婆塞、優婆夷。出家者名近住，在家者名近事。此九眾位次，斷不容紊。」(X38,p.682b6-9)祿宏發隱，智旭合注《在家律要廣集》卷3〈梵網經心地品菩薩戒〉：「附：有出家優婆塞夷，有在家優婆塞夷。出家者名近住，在家者名近事。與比丘、比丘尼、式叉摩那、沙彌、沙彌尼，共稱九眾也。」(X60,p.527c20-22)

P. 83, L. -4【十六國王】《仁王護國般若波羅蜜多經》卷2〈奉持品 7〉：「大王！吾以此經付囑汝等：毘舍離國、憍薩羅國、室羅筏國、摩伽陀國、波羅痾斯國、迦毘羅國、拘尸那國、憍曇彌國、般遮羅國、波吒羅國、末土羅國、烏尸尼國、奔吒跋多國、提婆跋多國、迦尸國、瞻波國，如是一切諸國王等，皆應受持般若波羅蜜多。」(T08,p.844,a14-19)

P. 84, L. 4【大經云】《大般涅槃經》卷2〈1 壽命品〉：「是時此地六種震動，乃至梵世亦復如是。地動有二，或有地動，或大地動。小動者名為地動，大動者名大地動。有小聲者名曰地動，有大聲者名大地動。獨地動者名曰地動，山河樹木及大海水一切動者，名大地動。一向動者名曰地動，周迴旋轉名大地動。動名地動，動時能令眾生心動名大地動。菩薩初從兜率天下閻浮提時名大地動，從初生、出家、成阿耨多羅三藐三菩提、轉於法輪及般涅槃名大地動。今日如來將入涅槃，是故此地如是大動。」(T12,p.375,b20-c1)

P. 84, L. 5【為喜所動一心觀佛】心動而一心觀佛，非是心動而生煩惱，故得為瑞。人天：五陰心。藏通：真諦無漏心。別教：即假心。圓教：實相心。「五陰心」：具足我執、我見、煩惱，依五陰而起。「真諦無漏心」：無我空觀與真諦相應之無漏智、無分別心。「即假心」：心即空、不住空，心即假而了知一切眾生因果性相之道種智。「實相心」：心即實相，無相、無不相，了知世出世間一切法，理具事造兩重三千性相，同在一念。如一念，一切諸念，亦復如是。如心法，一切佛法及眾生法亦復如是。」(T46,p.941b15-17)

P. 84, L. 9【心所隨順而動】《起信論》云：若能觀察，知心無念，即得隨順入真如門故。《太虛大師全書·法界圓覺學》卷 22：「妄心所取諸生滅法，不出五蘊、六塵境界。知此五蘊、六塵，皆由妄心分別而幻現之幻相。反觀妄心，本無形相，故即離一切相之心真如，本未嘗有想念，以離念故，故能即從生滅門入真如門也。」(TX15,pp.2534a10-2535a1)《成唯識論》卷 5：「恒依心起，與心相應，繫屬於心，故名心所。如屬我物，立我所名。心於所緣，唯取總相；心所於彼，亦取別相，助成心事，得心所名。如畫師資，作模填彩。」(T31,p.26c15-18)

P. 84, L. -4【牽長五尺】《佛說觀佛三昧海經》卷 1〈3 觀相品(一-四)〉：「白毛相。佛初生時，王與夫人將太子詣阿私陀仙，令相太子。仙人披氎，初見太子眉間白毛旋生，於白毛邊有諸輪郭隨白毛旋，相師舒毛見毛長大，即取尺度量其長短，足滿五尺如琉璃筒，放已右旋如頗梨珠，顯現無量百千色光，是名菩薩初生時白毫相光。」(T15,p.649b20-26)

P. 84, L. -3【中表俱空】《佛說觀佛三昧海經》卷 1〈3 觀相品(一-四)〉：「有一天子名曰悅意。見地生草穿菩薩肉，上生至肘，告諸天曰：『奇哉男子！苦行乃爾！不食多時，喚聲不聞，草生不覺。』即以右手申其白毛，其毛端直，正長一丈四尺五寸，如天白寶，**中外俱空**。天見毛內有百億光，其光微妙不可具宣。於其光中現化菩薩，皆修苦行如此不異，菩薩不小，毛亦不大。諸天見已，歎未曾有，即放白毛，右旋婉轉，與光明俱，還復本處。」(T15,p.650c2-11)卷 2〈3 觀相品(一-四)〉：「佛告父王：『如來白毛，自從初生乃至成佛，於其中間微細小事可得觀見。既成佛已，白毫光明眾相具足，諸修多羅中佛已廣說，白毫相光究竟之處，十地菩薩爾乃得見，先說小者，隨應世間此事易見。』」(T15,p.655a2-6)

P. 85, L. 2【眾經明放光不同】例如《首楞嚴經》卷 1：「即時如來從胸卍字涌出寶光，其光晃昱有百千色(一)，十方微塵普佛世界一時周遍(二)，遍灌十方所有寶剎諸如來頂(三)，旋至阿難及諸大眾(四)。」(T19,p.109,a28-b2)《楞嚴經正脈疏》卷 1：「如來極顯真體。分三。一放光表顯。又復曲分為四科：一真智洞開相。二圓照法界相。三上齊佛界相。四下等生界相。」(X12,p.210,b6-20)

P. 85, L. 3-8【華嚴經】〈如來現相品 2〉、〈普賢三昧品 3〉、〈光明覺品 9〉、〈昇須彌山頂品 13〉、〈昇夜摩宮品 19〉、〈昇兜率宮品 23〉、〈十地品 26〉、〈如來出現品 37〉、〈入法界品 39〉。